

摘藻堂四庫全書薈要

集部

欽定四庫全書薈要

集部

御製詩二集卷七十五

六

詳校官原任編修臣徐立綱



欽定四庫全書蒼要卷一萬三千四百二

集部

御製詩二集卷七十五

古今體八十首

戊寅一

戊寅元旦

萬^萬爆鳴中九陌言宮聲祥應歲朝論三陽和淖臨寅月

初旭闔披麗午門資始蘿圖欽御

音

景棣通玉燭慶調

元貴山奉朔新馳使澤共東風到處温

元旦試筆

穆愉一氣轉鴻鈞十二龍樓春色新
戊歲戊辰爰稼穡
寅年寅月福臣民世和益切因心敬
陽澤還思與物均
曉闢銅龍先

進賀

慈寧純嘏自

天申

太和昕昱曙光披百辟冠裳式禮儀
籌政箕風將畢雨
來王烏弋與黃支重熙累洽誠斯日
保泰持盈亦此時

更有殷懷厯西北春音願並捷音隨

重華宮新正

春臺此日衆同躋
訢合東皇萬福提
左个青陽迎紫鳳
元辰嘉祉應金雞
載昭土德祈豐楙
敬授人時紀攝提
究豫徐淮籌作乂
沮洳幸涸舉耕犁

董祥歲朝圖即用題者韻

松蕤梅逸石椽妍
作繪同徵第祿年
發歲生機發意蕊
啟祥韻事啟言泉

昌辰吉事喜重重一甕堯年寶露濃却問相應定誰是
爪鴻饒得醉春容

温牡丹行

女夷司花定花期春芳秋豔各有時鼠姑殿春風信遲
去聲一開萬卉都收姿花師解奪女夷巧暖窖温棚培護

好縮地燕北忽江南駐年凋後偏榮早臘鼓鳴未春草
萌黃姚紫魏先吐英圖入歲朝百事吉玉梅為弟水仙
兄韓湘頃刻雖輸疾敷華頗不殊殷七欄蜂欲採却無

緣屏燕相看渾可匹簾旌嫩日照暄妍簷溝積素暎輕
烟玉局詩與石田畫蘇軾有冬牡丹詩
沈周有溫牡丹畫匪今伊昔韻事
傳異哉草木無情物旋轉猶然資剪拂擘芭彈蕊笑彼
工易俗移風慙我拙

題鄒一桂三益圖

貞姿宜雪後芳信報春前
澧臯將洛浦可以結忘年

右梅

雅蒜名非雅水夷體是水依然
銅洗藝作賦定誰能

右水仙

為佩將生谷猗猗不改芳設因擬高懌相契許和張

右蘭

玉盤謠

玉盤博徑得二尺圍六尺有

去聲

五寸益虛中盛水受一

石素質不雕其色碧旁達乎尹瓊華澤葆光撫不留手
跡羣玉之精出崑崙吉日甲子天子賓于西王母瑤池
津行觴介紹簋簋罇爾時所御器今存作鎮西極永好

完未入震旦三千年問今何來不脛偶準噶爾亡淪世
守阿睦撒納茲竊取王師采入靖孽醜於將獲之聯猿
走棄其重器為我有元英大呂陳座右咄哉玉盤徒華
滋不可食兮不可衣連城價詎如窮竒俘彼禍除可罷
師前歌後舞樂雍熙瓌玩吾將安用之擬付鄴人一例
推

新正二日降旨加賑豫省去歲被災各州縣詩以

紀事

中州歷歲歎向隅屯膏其故緣諱飾察知譴責司牧者
賑賙乃不遺餘力帑金三百萬弗惜庶使閭閻免困逼
諄諄更戒彼大吏毋俾役蠹俾遍得勤加咨詢往來人
盡道窮簷稍起色更幸三白露宿麥聞之略為紓反側
夏熟尚早詎置懷助陽奉時宜布德譬之赤子纔離懷
未能強飯可奪食已加毋寧再三加於民豈可言從嗇
免溝壑共力春耕南顧猶然為惕息

宋人牧牛圖

清泉還細草，訛寢見羣牛。素繪曲神肖，黃鐘滿脰牟。寧
勞丞相問，却笑尚書猶。考牧風人詠，摘毫意自遒。

雪

正月
三日

欣逢甘雪維三日，早報新春第一祥。律應執規堆是壁，
節先撒荔飭成梁。巡簷已積遲冰注，著砌旋融愛土香。
正值璇宮行慶賞，嫌山還進

壽筵嘗

新正重華宮恭侍

皇太后宴

青陽雖盡靄龍墀首祚承歡奉

聖慈彤管不勝書

懿德金庭長此御

隆祺寶檠蘭燄九華燭玉醴椒芬

萬壽卮雖是年年依例事如斯約以十千斯

賦得玉壺冰

玉壺悒悒嘉夜長華鐙蘭燄冰為光箕風畢雨此清暇

潑墨摘毫復靜忙
申申緩箭渴烏水
銅餅芳遞梅花蕊
輕裘溫室不知寒
無易由言吾過矣

題黃筌梨花山雀

肖物渲芳總化機
藝而道也匹應稀
雪禽翻樹殘英墜
却訝梳翎落去飛

詠側理紙

海苔為紙傳拾遺
徒聞厥名未見之
何來暎座光配藜
不脛而走翳予思
圖圖無縫若天衣
縱橫細緯織網絲

即側理耶猶然疑張筆李墨試淬妃義獻父子書始宜
不然材可茂先追何有我哉宛撫茲萬番母乃侈記私
兩幅已足珍瓏竒藏一書一聊紀辭清風穆如對古時
澄心金粟父視兒寄情枕肱宜隄糜博覽缺詠又何其
宣毫緜几為摘詞彷彿尚卿首肯斯

降旨免甘省積欠詩以紀事

西師猶未罷邊地亟宜懷數郡逋猶積一時豁與皆絲
綸頒岳牧膏澤善推排佇待歌耆定熙春萬物諧

唐寅乘鸞圖

駐鸞恰自西池返，攜得蟠桃且未嘗。
却是飛瓊相贈與，慢疑人是女東方。

正月四日恭奉

皇太后幸圓明園是日復雪

一夜霏霽曉勢加祥符，端喜在農家。
延庥襲澤春朝四，行慶承

歡萬壽遐早報魚龍增瑞氣，恰看樓閣襯銀霞。
女夷今

歲迎

鑿巧苑樹高低遍綴花

題伽楠木佛鉢

古寺聞藏古鉢珍舍離曾得奉金人何來沙泐漁家器

又歷風播海劫春紀事五言猶憶昨選材七佛重去聲傳

神笑予何復拘名象青石由來半假真開元寺佛鉢見皮日休詩序甚

詳去歲南巡索觀題句仍命藏寺中愛其製古因命良工以伽楠香木肖形為之然日休所云帝青石作以今

觀之則陶器而非石蓋世代屢易焉知不出於贗故末句及之

題鄒一桂三益圖

羅漢松依臘月梅
闌天竹雅稱清陪
居然三友雲霞契
生面從看此別開

御園雪霽

宿靄輕陰蘊釀晴
紫澗不作日華晶
御園縱是遲燈火
已聽烟村幽吹聲

臘前已快霑三白
春後偏欣繼六花
消得慰心暢行慶
翻因心慰畏尤加

樓頭積素雙層疊
冰上寒光一色交
督課掃收培樹本
恩膏率為惜虛拋

綴枝著葉蕊珠凝
一帶西山列玉陵
霽色烟姿渾是畫

畫中得句
去年曾

去冬香山曾
有積雪之句

題馬和之麻姑

戍削腰支裾曳霧
人間復與方平遇
類鳥爪縱善爬搔
未若自家知癢處

春雨軒

積素流光映彩銜上元今歲景偏增若論春雪如春雨
便慶食升有四升

見史記
天官書

靜鑑室

一窓涵萬象十笏玩三餘不擬劉君室還思周子書
情常課有養志欲冲虛設以衡材論返觀祇慙如

王蒙丹臺春曉

黃冠松下是誰乎霞舉軒軒佺羨徒無病自應跡藥裏
忘機亦不索陰符春山濃處心同盞古木枯餘體共臞

便是長生真妙訣笑他底更事丹壚

人日

攝提月值攝提歲七日復為七日人綵勝應時看鏤玉

春山迎旭欲鎔銀雖無絲竹饒清賞

是日為國忌辰例不宴樂

祇有

旦明切體仁令節晴和氣閭閻貞符首慶福吾民

再詠側理紙

南巡獲陟釐兩幅珍瓊玖錦囊藏其一說項敝吾口西
清有典司檢點所弃守五番哀時對謂是束置久誰知

為海苔徒觀麤且厚恐不宜墨卿未敢供
几右新獲與茲同呈覽聽去取撫掌輾然笑
天府何不有或又當面失奚藉不脛走抑將
瞿然懼將毋人似否

陳貞白雲山房

木石可居鹿可羣隔塵複嶺疊縝紛大空道者今何在

惟有山房占白雲

貞自題為大空道人作

新正萬壽山

昨朝人日未登臨幾暇名山一攬尋最喜堯峯層積雪

又看空宇遍鎔銀烟村外有新年景野曠中多祈歲心
柳眼花鬚暫遲待六橋畔擬重去聲來吟

樂壽堂即目

昆明未泮雪初鬆措濯菱花朗鑒容不礙寒光披料峭
已欣韶令報和雛脆芳襟植餅頭朶新綠聊遲屋背峯
只有勺園一片石宜人常邏紫芙蓉

綺望軒

藍田嫩日靄迷離敞榭憑陵春望宜何必纈紅將縹綠

端知繪事後於斯

書側理紙得句

吾曾惜闕詠誰識有河東

薛道衡有詠苔紙詩近題側理紙有博覽闕詠又何其之

句始悟向乃未曾細考也

典守百年出滑堅五部同藏書皆得亞

向獲

僅兩番故書一而藏一今得五幅或書或藏皆有其副矣

金玉慢稱工腕力惟慚劣

苔牋固不窮

題惠崇溪山春曉圖

馥馥蘭芬鱸地陳溪山動植共熙春
摩挲七百餘年物

潤手桃花帶露新

禪宗南北畫還同六度中禪屬惠崇竒蹟千秋貴得所

真詮拈出是思翁

見董其昌跋語

箇僧工畫又工詩妙構溪山春曉時若識本來無一物
淡皴濃抹更奚為

新正曲宴外藩即席得句

元宵預賞錫恩波亦寓懷柔示節摩雪映金支饒渥澤
旭承翠罕颺晴和一家中外歡逾浹累葉雍熙畏益多

內扎薩人六旬者率言生不識兵戈

正月十一日進宮齋戒作

行春卜吉奉

徽音

大祀先庚返禁林東陸心祈金兆穰西山背指玉為岑
鳳城萬戶葦桃煥太液長橋蟠螭尋北寺南臺佳且便
虔齋未敢事登臨

題鄒一桂花卉

臘後

蠟梅

春前

山楸

交婀娜玉英

水仙

珊瑚穗

天竺

映玲瓏女夷位

置色香巧每以不同示大同

新春齋居

新年例不判行施更大齋居簡閱披人日已過占燕喜
燈宵未到駕鰲遲民生國計籌全局盤石苞桑厯遠思
耕牧伊犁期永定自維終莫有閒時

西陲

西陲方蕩定卒未得休師勤遠非初意三年乃逮茲設

能先執領安用屢移碁事順乏人幹乏人責在誰

西陲用兵

非本意具見前記幸成大功斷無中棄之理使任事者
智勇兼備早誅一阿睦爾撒納則衆叛愴息必不敢再
生事而諸臣屢失事機以致羣孽反覆逆酋遠竄勞我
師徒於今三年矣準噶爾素稱雄長諸部哈薩克從來
未通中國今伊犁既已平定哈薩克汗阿布賚亦不煩
招徠傾心內嚮孰非上蒼之默佑耶然伊犁耕牧
善後與夫一二遺孽尚待勦靖一時不能罷師雖不似
古者役民之為而曉夜運籌自覺勞心亦事之不得已
也若夫濟事無人則惟深感愧耳

白海青歌

鷲鳥飛來自海東以青得名青率同翹英皓羽乃罕覯

是何意態傑且雄固不誇祥亦珍潔靈稟瑤光特殊絕
雙睛火齊懸為珠一身梨花飛作雪鷹房板柙付飼養
支粟支肉有職掌建屋居之訛可知

元史命興和建屋
居海青海青換羽

時不可無木籠飼養即今亦
然謂之建屋蓋訛傳過甚耳

五坊小兒戒可想既豢畜

之偶一試金縑翠鞵纜脫臂翼垂神蓋伏荒荆入雲逸
雉遑能致設使山林皆若茲鷲將餓斃靡介遺為人役
與自為計力與不力理固宜力與不力理固宜嗚呼人
豈鳥哉胡不思

題張照書聯並張宗蒼畫

自有相知無不可

無不可過去之事有自然相知之人向日樂善堂所得句每命張照書之

適與張宗蒼畫並勒壁

高山流水雅情親得天書與宗

問此際括二句意也

蒼畫動是張家思古人

雪

正月十日

靄靄低宮樹綏綏點御津當春真是澤數上日未踰旬

符甲潛滋養

祈辛預被仁靜侔色與價端勝玉和銀

題李唐清溪漁隱卷

沙汀石砥涵漪流細草叢樾清且幽箇中風月付誰是
有人亦祇如虛舟直釣豈必垂香餌鹿頭艇名獨坐無名

氏今來古往漁隱人評量已不勝屈指逃利未抵逃名
難釣名釣利季孟間借問在水一方者誰真不愧絲和
竿

詣齋宮輦中作

崇城春度玉鑿班詆蕩天閭接闐闐市聚日中拱北闕

寒凝雪色映西山金湯根本謀深固禮義隄防示大閑
戶口繁孳世熙泰沖盈意倍切其間

辛日

祈穀禮成述事

洪鐘踈響動齋宮祇詣

皇壇陟鞠躬南畝方祈施厚貺西師更賴奏膚功瑄調
鸞噦零陵玉絃叶鳳儀嶧孔祠

烈祖

神宗胥配享敬

天庶鑒此心同

上元前日賜宴親藩

燕貼春屏燈綴檐宮中行樂懿親僉傳柑宴裡歌行葦
月滿宵前慶雪霑亦有墮筮情莫遠率非堂陛禮何嫌
芳辰詎是徒追賞麟趾周官萬國瞻

上元燈詞

從來燈與月為期增色佳期雪獨宜先節已看紛六出

上元正喜剪千枝

龍角杓攜又斡旋碧霄珠鏡自年年畿南宴賞却成昨
同樂民情在眼前

延樓錫宴例惟常恰對山高水復長

即樓名也

昔日纔傳預

夷使今宵並賚有降王

準噶爾昔未臣服遣使至都值燈節嘗令與宴今執其可汗達

瓦齊歸命闕廷已數載矣身叨侍從得於上元夜與諸王大臣承恩宴賚樓下

漢轉春星多瑞色月臨霽雪是祥光踏燈歌唱分明聽

惟願曰時若雨暘

一道飛烟萬朵蓮花開頃刻謾稱仙威光音裏普明界
笑指西樓忽隔年

鳳城絲管燈如月茅屋饑寒月是燈酌劑盈虛雖有意
返還淳樸究何曾

幻化樓臺乾闥城三山鼎鬲巨鼇擎月天子聽燈王法
不遣魚鱗點太清

順時行慶列藩陪戎索而今逮八垓却繾王臣尚于役
捷音願共爆催來

上元後一日小宴廷臣

翰墨觀燈例翼辰上元過始魄盈輪

是日方望夕

景酬雪月

叨

天貺情洽堂廡引席珍率寓銘盤歌一闋詎聽側弁酒

三巡

凡賜宴不過酒一巡而已

載咨魚雅摘毫侶可念賢勞執銳人

張宗蒼雪景

一片寒光罽素椒祇疑霏勢尚瀟瀟冰連曲棧路偏遠
雲斷橫林木益喬白屋遙歌憑客几紅樓迥見出僧寮

荷衣椶笠尋詩思那惜驢蹄踏碎瑤

西山積雪聯句仍擬聚星堂體

有序

歲當豐稔時屆孟陬餞臘纜過三白已臻瑞應迎
春伊始六花更叶祥占喜農事之有徵值陽和之
乍普爰以上元翊日特開祕殿初筵鸞樹燈駢映
西山而絢綵鼇峯月朗連積雪以增輝載集羣寮
共賡禁體詩成疊壁期刪鹽絮浮華例倣聚星用
舉歐蘇勝事匪徒侈辭章之麗將以聯上下之情

云爾

御製節前稠疊佈祥霏八景燕山舊擅名便合同堂賡樂

愷

還教簪筆譜咸馥觚稜光映三台耀鷓鴣輝澄萬

象迎于耜昔聞占父老

臣傳恒

集裾早見會公卿暖

回土苑頻喧雀凍澈方壺未轉鶯仗外嶙嶙羅衆

皦

臣朱保

峯頭奕奕朗初晴閉關定起袁安卧曳履

無妨東郭行爽氣正來當拄笏

臣史貽直

晨光瞥轉對

張檠陽崖氣凜高天切幽壑寒霾厚地羸孤嶺峒

堯廻獨雁

臣陳世倌

御製九閭誅蕩豁雙晴雲端望去寒光皎林表浮來霽色

晶禁字重提聚星體

成章遐繼慶春榮浹甸挑菜曾裁勝先日傳柑預

獻觥雕就龍鱗呼刻燭

臣蔣溥

滴殘鴛管學吹笙北

臺雙耳尖仍峻終嶺中峯勢忽平卷畫模糊浮綠

齊

臣汪由敦

破空翕艷見紅鉦大宮小霍齊添潤絕礪

危巒盡吐瑩色借華甍鋪廣甸

臣劉統勳

葩敷蓮鄂拱

神京摩崖迸發三珠朶沓嶂週遮七寶城散漫不

嫌虛牝擲

臣秦蕙田

御製霏微只傍遠眉橫歌詞謹直懷于藹畫意寥蕭對李

成親切更思吟去歲

去冬香山有詠西山積雪之句

諏咨還憶遡前程仍看芳序開新籥况對層嵐麗綵甍

漸覺春陰澹蓬島

臣董邦達

暗催夜景俯昆瀛居庸靜

鎖關門迥潭柘深迷塔影擎野燒痕餘留鳥道

臣劉

綸炊煙颺處遲鐘聲微茫錯認盧溝曉滲漉潛通

太液盈略似匡廬初瀉瀑臣介非關由首鎮填阡

巔岿莫辨千螺點突兀惟標一掌撐法海松根堆

礪礪臣金

德瑛

御製祕魔石脚失崢嶸西隣屏障烟霞格東壁圖書風月

情吉兆雅宜祠太乙

寒芒却喜映長庚全融急溜垂紳直偶值旋颺拂

毫輕增閭神仙都婉孌臣觀藐姑丰度本翩嬛暗

保

塵漠漠曾隨馬墜甲紛紛憶剪鯨紫陌已欣騰火

樹

臣程景伊

翠巖尚覺壓霄棚客襟奚似挈舟發詩趣

偏因策蹇生卷向花甌猶片片

臣錢維城

飄從蓮漏共

丁丁柳隄蘸眼絲初潤麥隴含勾剡欲萌塞外賜

貂人萬里

臣陳惠華

御製 洄中喧鴨夜三更洄田為慶遺蝗入

去歲畿南山左偶被水災特遣

大臣疏濬積水漸消春耕無誤故及之

邊海遙縈櫪馬驚佇待洗兵歌七

德

且教煮茗詠三清樓蘭氛靖無傳箭馭娑杯濃有

擢莖即此陽和回地脉

臣孫瀨

直從太古奪天黥研

成洞壑霞烘座巧作玲瓏綺列楹秀骨珊珊思叔

則

臣張泰開

豪吟咄咄讓端明惠連授簡蘭為曲汜勝

傳書穀是精日下遺編聞更續

臣金姓

夢餘佳話賞

應并泰階廣被醍醐寵解澤同滋沆瀣英喜洽泛

膏燃寶炬

臣錢汝誠

御製豐徵祀粥飫香秬星橋翡翠通宵朗界道琉璃自遠

呈宴樂寧忘勤政意東郊即日舉春耕

燕九日作

隸通暖律不依韋雪霽春冰脆
沉暉月過望看光尚朗

燈將收更燦爭輝

是日俗名收燈節

新詞恰當

去聲

稱劉鎮故事

何妨說處機兩語分明提治要
撫辰益切慎幾微

題鄒一桂書城十二圖即用其韻

梅花書屋

玩象卦臨復先王此閉關憑誰遞
消息梅萼點寒山

紅杏書樓

牆頭誰點筆憶是姓吳郎何似憑樓望筌魚兩並忘

碧梧書館

圭豈羨唐土箋應勝海苔如聞嘉蔭下朗誦度聲來

青蓮書社

暄暑且延爽綠衣滿碧池知音對商榷想為註毛詩

密筠書舍

低臨瀑泉白不遮屏山綠颯然敲滿林雅中宮商曲

綠天書塢

其心剝不盡好似抽秘思得句即書之綠瓊亦宜字

天香書院

秋闈舉子忙紛紛趨帝闕何如閉戶人獨對天香月

萬松書巖

古色照凌漢書聲答泛濤設擬名山藏惟應司馬高

秋林書圃

茅屋寒林下芸編伴客清不須重著賦宋玉占先聲

遲雲書閣

蒼蔚南山躋潤逼
瑤琴濕今古與居稽
精神合噓吸

聽泉書榭

展卷對瀑水逝者如斯流
欲詢佔畢者人已若為謀

印月書堂

守之謝樓櫓據之資歌吟
李家城萬古明月暎書林

俄羅斯驛致叛賊阿睦爾撒納死屍信至詩以紀

事有序

去歲因阿睦爾撒納由哈薩克竄入俄羅斯境內
執言索取爾時浮議或慮致啟邊釁然俄羅斯以
逆賊素稱兇狡留之以資其力未即縛送此更不
可不力索矣因命典屬嚴辭叠促茲以逆賊患痘
身斃俄羅斯遂傳送其屍修詞遣使以祈永睦盖
彼有大圖則不屑守和約而竒貨既亡則毋寧遵
舊盟此事理之易見者設使不向取則並此亦不
得獻矣從此俄羅斯之和好益固準噶爾餘孽攜

貳自消而為庸懦姑息之浮言者當自知愧赧撫
茲事蹟略志顛末既以抒因時斷制之懷且用昭
示來茲俾知息事因循實不足與語詰戎固圉之
道也

騶豕善走更工藏蘇對潛逃又北荒詎識羅義和約固
獻來萬里逆屍殪功如彭寵遼東豕

執達瓦齊之役阿
睦爾撒納原不可

謂無功而伊犁既平遂懷携貳然使任事者能
遵朕旨而中事機亦不致債事三年之久也心是温

禹天外狼遺孽廓清永砥屬持盈益勵敬皇皇

早嫌牛腹與鳶肩密旨丁寧勅事先

初命阿睦爾撒納為將軍時恐其有

反心密勅固倫額駙塞卜騰班珠爾及軍營大臣等言彼不叛則已若露叛蹟當先誅之而諸臣徘徊遷延遂致免

亂弭安能待訛訛禍成因未塞涓涓由來一勇士

之力何致惟姑息以延荒服遵盟歌保定藁街寧遠首

明懸

哭汪由敦

贊治常資理論文每契神在公誠匪懈即世信何因言
行遺編簡老成謝措紳奠臨據一慟底計日當辰

御製詩二集卷七十五

欽定四庫全書薈要卷一萬三千四百三

集部

御製詩二集卷七十六

古今體一百七首

戊寅二

閱春秋解口號漫題

猾夏從來稱攘楚今常漕米濟江南寄言白首窮經者

漫泥

去聲

區區紙上談

解春秋者無不以猾夏為楚罪操戈聚訟論之不已此經生因襲舊

聞拘墟方域之見耳秦晉汎舟之役傳說以為美談而今楚粟歲輸濟鄰封者甚富調賑尤資其利使如春秋時各分疆域則江浙所出之米不足本地半歲之食設加之遇灾即有賑恤將難為巧婦之炊矣且江浙江西

即昔之吳越漢武帝議伐閩越而劉安稱先道古謂必不可伐唐順之題之以為反覆論說以中國勞蠻夷之意以今觀之閩浙江西之人豈盡不可以冠帶之國法度理之乎是知今古異宜不達時而欲行封建井田者率是類也故并識之

新春萬壽山即景

檐收華綴罷春燈咫尺春山一眺登花柳六橋方蘊釀較於紅綠雅相應

甕山當日是童山清蹕年來屢往還恰為招提開祝嘏

於山南建大報恩延壽寺以祝
皇太后六旬萬壽也

翠峯疊樹總增顏

水田開治畝縱橫和雇催教臘底成詎為溪村增點綴
恐妨舉趾誤春耕

高下移栽五鬣松鬱蔥佳氣助山容巖楓澗柳遲顏色
祇覺森森翠益濃

五里玉河達玉泉溶溶新水可乘船靜明沿攬遲他日
午漏聲過漫久延

牡蠣牕虛向遠開芸編締几稱清陪唐花底用工難蘊
春物昌昌即漸來

咳春園

山陰別一區，樸室聊結構。倚巖得基固，面野延賞富。量
地雖十笏，萬景於中受。叶咳春我所名，消息今朝透。機
思靜在先，事悟繪居後。

構虛軒

飛閣冠峯具，四臨豁然而敞。靜而深，天風忽送塔鈴響。
却訝何人理玉琴。

惠山園

位置都教學惠山溪亭小憩片時閒九龍昨歲停春蹕
却在尋常想像間

王蒙仙居圖

萬嶂羃青烟千林扶玉蓮石欄雲母井茅屋碧瑤天鐵
鎖何須挽金編耐可傳蘇張名利輩置此合成仙

填倉日漫題

歲華紀節名雖俗摘藻尋思義却長豈必雕盤行粒糗
詎能蓬戶具牛羊衆愁獨豫寧真樂率歉偏豐未是穰

民數頻滋穀恒少

向諭各省督撫於歲終彙奏民數穀數但以豐歉難齊通計穀數不能日

增而承平日久戶口滋繁時厯於懷也

對時艱致是千倉

新春玉泉山

烟宮仙木麗銅扉積素猶看皴翠微
山又從新非故步春雖未鬯是生機
靈源不凍常浮舫香宸辭寒欲減衣
靄靄午陰將集霰便希重詠六花飛

清貯齋

池鏡披沄溶山畫含纍
霏言憩不過暫引興則已每靜

寄忘俗緣幽賞契真寄設如擬玉壺一片冰心在

含峭居

築砌喜臨水開牕雅納山春秋恒翠邏嵐靄變孱顏意
入宜吟眺目謀省陟攀太沖有佳句此是青葱間

自玉河泛舟至石舫

畫舫乘流達石舫清漪適可暢清遊

萬壽山別墅
名清漪園

片帆

設擬迴頭問曾未冰天無恙浮

袖嵐書屋

倚巖屋三間其外圍諸岫嵒嵒座中呈蒼蔚檐端逗于
焉機引靜可以時對茂於何勞位置萬景天然就點筆
無俗情風華在懷袖

曇華閣

調御堂堂大丈夫獨尊三界匹曾無碧蓮朶上擎珠閣
極樂西方未覺殊

王紱湖山書屋

澹澹春嵐鬱鬱松岩堯梵閣倚層峯山川宛似曾經到

審視分明是九龍

水與舟挈陸杖扶優游那戀紫青紆具區可見非無意
想欲因之泛五湖

雪

正月二
十七日

達曙濃陰集霰來須臾剪水落毯毳階頭氣暖溶溶化
牆角風寒旋旋堆裝絮却先柳眼放驅蝗都喜麥心培
御園燈景纔方過萬樹銀花此重開

題鄒一桂畫

碧桃倉庚

公子飛來衣著金
細桃灼間粉筠森
不須隔葉全身現
恰恰端知有好音

紫薇蠟嘴

竊脂翩集金華樹
紫綬翠翎艷好春
慢訝色形都活脫
傳神原是省中人

新春瀛臺

祭臨吉戊返宮垣
路便南臺小駐軒
綺戶歲屏猶未徹

仙壺春事已堪論，柳稊欲展風還弱。梅萼如嫌旭乍溫。

逐處題詩寧慮復，盤盃几杖意斯存。

西苑周不過十里，然以勝朝遺蹟加

之國家百餘年，延美承平時復葺綴一亭一榭，名標勝際，邇年以來逐景得句無慮數十百首，然勅幾祈年之意，恒多故未句及之。

茂對齋

因迥得高齋，俯臨見闕閭。羲經可觀象，顏之曰茂對。玩辭既呈外，保泰亦殷內。先王貴因性，夫何勞智慧。

涵春室

東皇弗偏黨物物付以春此室名曰涵其意何所云譬
如天地間人乃一粒存心則粒之粒量與天地均以此
例吾室涵春寧有垠享帚不為私與物常同仁

賦得水一方

趵臺三面水書室敞南榮亭接迎薰近池臨太液清畫

如展李

思趙

伯駒瀛臺猶勝朝故
蹟多金碧樓臺也

境即是蓬瀛三復薰

葭什懷賢獨泥情

千尺雪作

懸流無定態千尺假名諸趁便來春曉偏宜是雪餘隔
松看凍鶴躍藻出飛魚亦識綺言戒其如景起予

再題李成茂林遠岫圖疊舊作韻

元氣淋漓萬木枝荆關而外自成師奩屏合付閨中秀

硯匣琉璃冥寫時

見後南宋
向上跋語

河南巡撫胡寶瑤奏報得雪詩以誌慰

豫省麥為秋三白望尤切客冬雖屢霑優遍實尚缺况
復新涸地沮如龜紋裂是慮孽蝗蝻縈縈愁弗絕臘後

及初春乃均被甘雪不惟滋來牟兼幸驅遺孽披童沃
天漿滌我五衷熱加賑已一再可度青黃節大田倘及
時更冀西成閱言慰豈無心未敢旋愉悅

詠浮水石

磊磊澗中物浮浮水上行能因小制大遂幻重為輕豈
是支機遺去聲猶非變木成通靈緣得氣至理不須驚

題沈周做王蒙山水即用其韻

心耽北隴峯惟翠身避東華塵是紅妙契山樵采薇意

底論格法異同中

翠荔丹楓杳嶂頭
誅茅書屋窅而幽
遂初賦就筆纔輟
時復歌橋策杖遊

二月朔日作

制祭考戴禮載芟緬毛詩遷坐此致齋
吾將舉春祈仲月氣漸鬯霽雪融
溫曦燈節過喧賞動歸靜覺宜籌遠
將就緒劬農無射思處順慎臨淵
謹幾戒漏卮夕惕復朝乾
心寧有逸時

題沈周虎丘圖

徘徊松下獨題詩客去人來落後期大似桐廬已發棹

彥升方至富陽時

沈周自題云約陪石居吳水部為虎丘之遊獨予弗果明日攜壺追往而

石居已發舟與任昉詩所紀郭桐廬出溪口見侯事略相類故云

仲春

社稷壇親祀

展幣由來例仲春百年

右社聿維新

丙子春勅所司敬謹繕修壇內重加相度命吏

置壇外西北隅並
增望瘞樂章永垂令典

鴻功今古垂隆永

佐配馨香盼饗均處陸什三司后土食艱稼穡立烝民
戊朝祭喜戊年值豐楹殷希錫祉申

仲春西苑即景

鸞輅西華祭後移趨臺更服便疇咨還餘清暇千官退
竭對韶光一賞宜積數已消簷際雪輕黃欲上柳梢絲
聽鴻樓上看迴雁春色人間許共知

鑑古堂

壁號圖書聚筵惟翰墨攤常懷三鑑對寧棘一身安無
逸凜明訓與稽愜古歡顧名思義處所愧是貞觀

延賞亭

役情書史亦糟粕契理鳶魚總道機試問亭中延賞者
究於何處獲心依

賦得虛舟

芸齋臨太液芝榜署虛舟趣味南華永蹟惟勝國留灑

然閱今古曠若忘

去聲

沉浮秋月當牕印春波拍岸柔幾

曾慮風浪無礙侶鳧鷗我有濟川意還殷作楫求

鏡清齋

臨池構屋如臨鏡那藉旃摩亦謝模不示物形妍醜露
每因憑切奉三無

焙茶塢

石上泉依松下風竹鑪製與惠山同蔡襄不止工其法
因事還思善納忠

董邦達秋林曳杖圖

蒼剩烟蘿丹染楓滄波又起鯉魚風高人蜀杖攜印竹
小立端知意不窮

仲春經筵

書文經訓義揄揚魚雅儒簪晉兩行篤志近思研學問

思艱圖易劭農桑

是日進講論語博學而篤志一節尚音思其艱以圖其易兩句

春臺

共喜時方鬯廣廈寧惟例舉常周孔吾師游意切推行

獨慙

去聲

未云遑

二月初四日喜雨

積雪纔消甘雨繼霏空作勢灑零零流膏延美有如是
歷歲新春未此逢烟意乍踈還復密雲容欲淡旋添濃
豈無慶慰饒兢業敢恃時和懈敬恭

褚君道松陰書屋

攤書烏几獨搢頤松籟泉音契筦倪作者雲鴻不留跡

為傳名氏是荆溪

君道未標名見
陳惟寅識語

御湖雨泛

溶溶新水始通舟出塢飛雲舟名試櫓柔恰喜掠空銀竹
震春溪殊勝是今遊

堤柳帶烟看作綠蹊桃含潤意疑紅不無清賞非存樂
樂在犁雲鋤雨中

雲低碧落易為雨霧重西山懶放晴恰是江南二月景
昨春興致憶分明

春雨軒對雨六韻

開年詠甘雪慶卜四升糧

近作有若論春雪如春雨
便慶食升有四升之句

繼

是頻叨渥惟茲更需祥欣看積窪液不礙倚楹涼作響
低林漉飛空遠渺茫烟凝柳欲暗潤逼土生香春雨異
常早慰欽亦異常

存素齋

溪堂架樸斲丹艘不須塗抱樸漱芳潤體純味道腴每
叅山水趣那逐色聲娛詎是耽清淨操存出治樞

自得軒

蜃牕締几靜無塵鳥語花香樂有真萬物當春皆自得

給求養欲厯吾民

徐賁做巨然惠崇二家筆意

樹槎枒復石嶽嶽竒境由來無更竒想見一時般礪彼
構成千里出藍斯

仲春昆明湖上

晴暉送暖渙冰紋歸岫西山有宿雲放眼柳條絲漸軟
含胎花樹色將分女牛左右徒聞古鳧鴈光輝各命羣
陸町溪塍都潤澤行將來往課耕耘

題雲繪軒

常年艱致是春雲今歲春雲易郁氛都道南巡轉氣候
往歲北省每苦春旱自辛未南巡後春膏稍易致今歲則更雨雪頻霑英英屢布或謂南巡江國氣候旋轉隨
至云恰宜東作蔚氤氲每看出岫容生動便冀為霖意懇
懃俯仰高軒寧玩繪劭農心為萬民欣

停靄樓

面水背山聊構築朝嵐夕靄坐間收設叅陶氏詩中句
不異謝家江上樓

賦得金粟山

嵯崕俯碧川湧出擬青蓮
金粟如來影春山太古禪
分明契筦可以謝蹄筌
繭紙間臨帖竭思趙宋年

養雲軒疊舊作韻

自我常望霖養雲因名軒
義取遍崇朝瑞匪誇非烟
邇來何厚幸每與雲周旋
靄靄時欲留英英若可攜
樂寧為山水興鋤澤甫田

味閒齋漫題

味閒兩字署簷唇山裕如還水靜真坐未逾時便歸去
笑予不是箇中人

趙孟頫疎林秀石

林饒古貌石竒姿了了偏含無盡思何必王孫惜芳草
請看茗上晚秋時

再題惠山園八景

載時堂

座有箴銘架有書延清最可適幾餘載時若問對時義

漢詔中閒每起予

墨妙軒

三希法帖萃名書墨妙茗華復繼諸自足畢然緣望古
將毋玩物志渝初

就雲樓

雲橫山直自今古築個山樓號就雲動靜主賓都妙諦
倩誰點筆為區分

澹碧齋

琳沼冰淪尚未開心依澹碧境無埃幾迴磨墨一章就
自問箇從何處來

水樂亭

或戛鳴球或搏絃林泉趣也中宮縣烟霞嶺畔依稀似
坐石臨流憶去年

知魚橋

平鋪半畝凍琉璃未是輕儵出水時謾道躍潛殊理趣
魚知魚樂我因知

尋詩逕

古錦囊教奴子攜惟應愈湜解金鏡如今擬問李長吉
題湊詩乎詩湊題

涵光洞

迴巖繆逕蔽曦光空洞中宏宛委藏妙義恰如虛室白
吉祥止止受無央

丁雲鵬天台劉阮圖

絡石緣林漱玉涼遠山紫邏更蒼蒼溪邊列樹雲和靜

洞口落英水亦香作記未應擬彭澤成詩早見有曹唐
折東仙境依然在可復雙鬟待二郎

細雨

二月初八日

雲繪養雲纜句就

皆萬壽山軒名近並有詩

雨過春雨又絲霏未經

望澤欣先到總是殊恩敢道微響入竹林輕滴瀝潤含
柳陌暗淫微寧無慶慰饒兢業不作空言勅萬幾

向陽草

年前立春春氣早更兼霖霖春雨好栽者培之古所云

向陽暖處有新草嫩青遙見近不無如茵如毯皆虛摹
文章大塊始屬稿生意昌昌自此都得暄霑潤增顏色
枯莽空懷對隅泣物猶如此人何堪春雨春陽難遍及
吁嗟乎春雨春陽難遍及對之怍然為躑立

李迪翎毛花卉

董其昌
評定

花香鳥語註韶熙總是東皇一氣施不藉畫禪真法眼
河陽妙蹟亦誰知

西直門外三首

雨過村圻宿潤濃
柳絲黃嫩草方茸
微塵不作春烟淡
彷彿江南昨歲逢

樹外紙鳶颺野坳
枳籬詰曲隱旗亭
春臺樂處隨民便
指日芳郊有踏青

春麥方耕秋麥茁
力田孰不趁時和
課農來往於斯慣
憑攬欣多懼亦多

仲春瀛臺

王宮將執鎮路便
此來臨雨後出耕
犂冰開下水禽金

搖絲柳重綠吐綺莎深萬物熙春意從知造物心

千尺雪

飛流不計尺計尺漫名千聲是無聲
界色非有色天宗
篁五音和去聲漱石六花濺客歲寒山畔牽情屬偶然

響雪廊

曲廊曼接千尺雪浙浙常聞響碎
雲體物既堪方淨色
忘懷雅合晤清聲

葆光室

康熙年間
皇祖御題扁額也

假山閱世如太古穿幽乃造十笏所上有詭石聳雲根
下有滌泉淙神乳注焉不竭酌不窮兩字葆光威鳳舞
羹墻宛憶

神堯年艾蓬誰究蒙莊語

即事

春雨雖未寸潤澤已慶慰却看雲勢重羃歷藏山翠因
之憶遠近一例被膏未無何一二日佳音來次第保
陽及古北三寸均霑暨喜已疑信半奚曾遇往歲秋麥

既勃生春年即可藝大田為候早興鋤亦資利時和切
畏念事順戒滿志猶虞或遺忘勤言銘座宸

王蒙松林書屋

隱几先生若有遲

去聲

隔溪佳客迥無塵相逢定話羲皇

上肯作空迴題鳳人

仲春

朝日壇禮成紀事六韻

朝日東門外春分陽德雍躬親應戊歲祭禮朔

太宗在俎陳駢角承筐奠赤琮元端服惟盛大采意彌

恭三獻酌清齊旋宮奏夾鐘翹瞻壇壝煥

歲乙亥勅修壇工至丁

丑春月

瑞擁

告竣

旭光濃

春分

搢圭祭罷返園亭三日韶光能爾靈花欲彈苞梢乍紫
柳將作葉線迴青蒼官入仲分宵晝萬物當春自色形
玩景摘詞詎宜亟可忘無逸昔書屏

思永齋

樸斲含經畔

是處在含
經堂西

往來亦憩留
澄觀非藻績
託志

在清幽上下
鳶魚若居稽
今古求言經
如展讀切已
慎
身修

賦得山色湖光共一樓

渭竹環臨水
巖樓出竹梢
漪瀾常映帶
晷黛亦兼包
了
識智仁樂宛
成仲叔交契
神疑畫舫悅
志即書巢已
足
供吟眺奚煩
事豁摩義經
設觀象育德
聖功爰

聞山東得雨口號

畿南澤慶滋三寸越日齊郊亦報霑便憶豫圻曾逮未
了知蜀望孰能兼

山桃花二首

雨潤日暄皆及節山桃開覺早常年滿園春色傳頭踏
明曉花朝景倍妍

向陽山塢暖烘偏擘蕊彈苞劇可憐最是蓬蓬又將作
思量何必約無愆

山桃開時每
多風故云

題唐寅做王蒙松陰高士圖

滿幅山樵荷葉皺卜居松桂雅宜隣晉昌巨擘唐伯虎
谷口息肩鄭子真攬勝可知渾濟勝入神妙是獨傳神
王家粉本定何似我亦因之憶古人

花朝

花朝率未御園度度亦寒林鮮作花臘雪春膏皆恰當
輕風暖日復交加遂教火迫綏山蕊不異幻開殷七葩
若論對時親切句養存事更重萌芽

仲春玉泉山

荏苒風光能爾催，孟春倏過仲春來。
改觀旬月之間耳，寓意湖山適可哉。
玉笋入雲隱壺嶠，銀奩倒影畫樓臺。
丁丁漏箭無停響，寄語林花漫亟開。

華滋館

蹊績芳霞砌錦茵，華滋今度信傳神。
夢醒烟月三千界，興寄林泉九十春。
詎可色聲耽玩物，雅宜翰墨足娛人。
展書不擬羲皇上，自顧風猶未返淳。

仁育宮頌言叠舊作岱廟詩韻

有序

玉泉山西擇爽塏地建

東嶽天齊廟而名之曰仁育宮天齊之稱見於史記
東嶽岱宗則虞帝之所柴望也今祠宇遍天下明
靈揚詡理大物博豈非以仁育萬彙不崇朝而雨
天下語曰泰山不讓土壤固無往而弗格也既為
碑記以落廟成茲經過展禮輒依舊作岱廟韻以

成頌言

出震尊為五嶽宗配藜布獲豈拘封一拳即是扶桑石
五鬣寧殊漢代松瑞氣氤氳籠玉殿蒼靈肅穆仰

金容雲行雨施崇朝遍常願休徵佑九農

巡狩寧當歲屢行

崇祠擇近致齋精天門東望一誠格陽德中齊萬物亨
秩長羣神孰可匹功先六子獨稱兄
錫禧雖每叨鴻貺惟勵欽承凜旦明

涵漪齋

文軒俯碧湖新水一泓俱堤宰鷺黃暎奩開鴨綠鋪未
看平聲出嫩芷已可泛輕艫理趣叅親切神超動靜乎

岑華閣

玉山朗朗削芙蓉上有凌空綺閣重一切世間無此地
惟應極樂國中逢

苻橋三首

初生春水漾蘭橈片刻溯遊達苻橋萬頃昆明堤那畔

岳陽記語印今朝

六橋一帶學西湖
蜿蜿長虹俯接余
左右參差浮碧水
二南雅化亦興予

便可橋旁暫艤舟
蒲鉞欲刺柳絲柔
行將春服吾與點
興在風行及水流

藻鑑堂得句

昆明春水漱烟光
沿泛因之藻鑑堂
表裏湖山歸靜照
高低桃柳總清揚
義經趣寄對時茂
楚頌詞多稱物芳
若傍竹林尋晉逸
山公啟事緬懷長

賦得春風啜茗臺

因迴得高臺春風小憩來竹鑪傲惠上鳳餅出閩隈第
一泉猶近彼雙符慢催試看文武火絕勝聖賢醅詠繼
三清句以雪水沃梅花松實佛手名曰三清茶有詩紀事香生大邑杯君謨因
事納遐想信忠哉

山陰

山陽明湖山陰溪一舟宛轉通迴堤柳綠桃紅艷爭媚
淡靄輕烟黯欲迷雖無日涉原成趣片時攬結催歸去

知然構築復何為是我自心知報處

嘉蔭軒

天籟時聞颯沓鳴龍蔥秀木鬱南榮兩山臺榭平分翠

一水舳艫相對清椰葉定無何足擬

見吳都賦

棗花未落底

須爭

李頎詩棗花未落桐陰長

細莎異草紛緣被彷彿華連舍衛城

澹寧堂

開窻常面山山體恒寧靜俯檻亦臨水水態澹泊永明
志既可託致遠還因省武侯材德兼其言實堪領未能

金
卷七十六
踐諸躬且以質之境

文徵明倚樹觀泉

石橋好是隔紅塵古樹槎枒澗水濱肯向世間留姓氏
白衣祇合號山人

玉蘭花開

春澤春陽著意加玉蘭今歲早開花隄糜江硯胥供奉
風韻原來本一家

賜休致大學士陳世倌歸里詩以餞之

夙夜勤勞言行醇多年黃閣贊絲綸陳情無那俞孔緯
食祿應教例鄭均自是江湖憂未忘原非桑梓隱而淪
老成歸告能無惜

皇祖朝臣有幾人

御製詩二集卷七十六



總校官庶吉士臣侍朝

校對官中書臣馮培

謄錄監生臣張孝基

欽定四庫全書薈要

集部

御製詩二集卷七十八

詳校官原任編修_臣徐立綱



欽定四庫全書蒼要卷一萬三千四百四

集部

御製詩二集卷七十七

古今體八十一首

戊寅三

題倪瓚龍門獨步圖即用所書張雨詩韻

松石間無塵世意上人獨步曳方袍聲名何必龍門託
三士由來費二桃

題玉蘭堂

依花老屋署題新便覺花開早別春何必齋堂獨文癖

文徵明所居
有玉蘭堂
定知圖畫有唐宙香如蒼葛惟餘靜質是

琳瑯了不塵設使選仙編姓氏佩阿證果即前身

誌過

延壽傲六和
萬壽山延壽寺後
曾擬建六和塔
將成自頽墮梵寺肖報

恩
大西天明時所有梵刹也
其北欲效江寧為報恩塔
復不戒於火初意緣

祝釐佛力資善果雖弗事徭役
本朝凡百工役皆發帑
和雇從不加派閭閻

究屬勤工作
叶

慈壽天地同寧藉象教夥此非九仞虧

天意明示我一念敬怠間聖狂分右左無逸否轉泰自
滿福召禍南北况異宜宰堵建未妥惟是回祿延遺蹟
春明頗聊將剔灰燼率與除塼堞苟完仍舊觀地因鄰
駟娑罷塔永弗為遂非益增過叶誌茲能改心詎云君
子可

趙孟頫雙駿圖

雙駿昂藏卧草陂骨雖肆兀氣難羈驪黃伯樂猶艱辨
知復王孫寓意誰

豐澤園演耕作

豐澤春犁習良規

聖考留那忘隨種日忽作教耕秋

雍正年間 皇考
演耕常敬隨佈種是

日命皇子等隨
行禮因而有感無逸聰聽

訓知艱慎率猷隴頭偶迴顧殊似服先疇

蕉雨軒

十笏幽居益洒然軸蕉簷石小庭前臨窻恰稱聽春雨

萬琲驪珠掇綠天

交蘆館

蜃窻恰對玲瓏
辟遊目通明俯碧湖
鷗鷺菰蒲都自在
便因相見悟交蘆

王蒙太白林巒

太白何蒼然
羣峯蔚翠烟
去天三百里
鎮地億千年
境豈俗能寫
神惟契故傳
黃眉如鵞
遇應解說其緣

清明日拜謁

壽皇殿

紫殿彤闈

神御憑清明肅拜典相仍

雍正年間逢清明節常隨皇考行禮於此

羹墻

有慕何嗟及堂構非遙此敬承舊禮漫傳粳粥薦新烟
還看柳絲凝那堪子厚書重展指日吾將謁

二陵

鏡清齋即日

依依冷節過藏烟咫尺

壽皇展謁旋景物雖憑有餘慕色空都幻若為緣底須

遂過修穹塔擬向知非種福田

是處近大西天佛宇向
建報恩塔近燬於火因

罷勿為而有
誌過之作

流水行雲何住著犁然澄動會當前

蟠青室

落落庭前千歲松之而蟠屈儼青龍
荆凡閱盡元明世
依舊參天翠色濃

交翠庭

擇向開庭更向山
縈青攢黛瑣屏顏
春陰瓊島疑迷路
只在碧琳天地間

看畫廊

長廊時屨步活畫每迎人
那論黃和范雅宜秋復春
五言拈氣韻六法失精神
寄語丹青客於斯可問津

賦得一房山

架楹玲峯上步磴嵌巖底
夤緣陟其巔仍在一房裏
開窻眄羣嶺攢簇參席几
秀色互暎帶妙趣無彼此
炙轂辨難窮轉物理若是

蓮華室

玉芙蓉上置精舍櫺樣都摹君子花偶至不妨結清習
炷香閱妙法蓮華

題趙雍山水

漪漪漾新水蓬蓬汎遠春綠蒲將白芷舉目清無塵挈
音發前浦餘韻來江濱傲睨天地寬何期理釣綸

三月朔日躬祭

先農壇

于藉將修禮曰祈預致禋崇功播百穀厚德粒烝民松

柏籠恒古壇壝構鼎新

先農壇及各壇宇俱于數年內次第修整完竣內外垣間向

日圃畦令易植嘉樹與

垣內蒼松蔚為茂蔭

采盛供

上帝淳濯倍增寅

耕藉禮成述事

兩歲躬耕稽省春劭農寧敢重逡巡青箱黛耜陳依舊

綵綴華棚罷以新

向時藉畝之上設棚懸綵以蔽風雨今歲二月始勅所司除之

已慰

潤泉啟虬戶更希繼澤見魚鱗禾詞卅六分明聽八政

心欽倡萬民

謝時臣山水

茅齋商榷共追陪更有高人杖策來
三友設教尋姓氏孰為松竹孰為梅

雨

三月初二日

雲容邇日濃起予希澤意春膏實潤渥
望蜀誰能置昨從千晦迴午晴惜且惴
夜半聞復陰將曉遂大霑濯枝更潤葉
三寸餘霑既或云利麥田或云滋藉地
我惟感鴻恩爾漫頌上瑞並慰不敢言
慰即虞心肆

雨中西直門外

耕藉初過近上

陵御園返蹕候

居興杏花村外紛紛雨絕勝尋常翠輦憑

藉田昨日罷張棚雨笠今朝見耦耕辛苦未能勞者共
愧聽襁襖叱牛聲

御園雨泛

禁烟纔過惠風柔酥雨偏先禊事修展

謁明將啟春蹕

起居便偶事清遊騁懷每凜所無逸寓意由來貴不留
大似昨年聖湖上沿堤紅潤度芳舟

賦得佳處領其要

已愛韶光鬯還欣靈雨霏山凝黛如濯水漲影添肥望
麥綠千頃坐花芳四圍玉驄稱小步綵燕必雙飛寧待
高樓凭偏宜弱翰揮設詢親切句物物樂生機

上巳日悅心殿

橋山欽奠爵皇都將發輶駕言御園返東道取路順青
郊宿雨晴瓊島含芳潤良辰逢禊節駐輦聊因近古貴
祈介祉用三自魏晉是日適元巳巧值乃偶僅馬射既
罷陳羽觴底須進時和切深懼保泰凜明訓信樂知彼
曾先憂審吾分

道寧齋

三月三日

袂襖流觴兩不須湖山趁便小遊紆對時真愜農桑慶
寧道非闕視聽娛風軟柳條皆綰玉雨餘花樹尚貫

平聲

珠牕前擬謝芳菲節一卷言經靜味腴

三月四日謁

陵起程是日復雨途中得句

拜

寢平明始發鑣祁祁嘉靈繼前朝疑將信半有如是惕
與慰深轉不聊隴首紅鮮杏濯蕊町邊綠潤麥抽苗烟
中塔影渾難辨潞水當前忽見橋

烟郊行宮雨中即景

雨啟行旌雨駐蹕一犁近遠喜均霑尋常那識烟郊趣
佳處今纔親切拈

烟絲霰霰復空濛郊野春光迥不同更上小樓聊極目
笠雲蓑雨遍南東

歌舞農夫怨行路東坡此語未云然試看布帳漸淋者
誰不心欣利大田

薊州道中覽古

宿潤罨林嵐蘭衢好跋驂風光過上已郊墅似江南戍

守今堪指

漁陽為勝國
鎮守巖疆

郵程向所諳王公雖設險在德

有名談

憩獨樂寺

祇園路必經春蹕小延停僧野罷禪成佛空泯色形少
年頻此宿古柏鎮前庭似向高齋話鬢霜添幾星

半巖廬對月

即翠雲山房
別室名也

得地翠雲間結宇花宮側時暘春氣暄散步聊攀陟舉
頭見新月蒼然亦入夕衣袂復微涼巖廬歸靜血種松

已長成玉盤掛寒色淦淦流入懷萬籟一時寂此景自
太古儻然斯偶值明當謁

珠丘予懷曷有極

恭謁

孝陵

追遠欽

神烈匪遙展默思每因羈庶政又覺隔多時松柏守宮
闕星辰侍禮儀

鼎湖

親卜吉

昌瑞山乃我世祖行園至此親定者初未用堪輿家也

昌瑞萬年基

恭謁

景陵

繞

膝衆孫侍獨蒙

恩遇多分明及今日揚觀應去如何近地無乾土流陰

歎逝波

羹墻晨夕裏三十六年過

孝賢皇后陵寢酌酒

未可漠然去酌臨取便中十年擬莊蝶

戊辰至今蓋十年矣

百歲

詠唐風彤管芳猶在椒塗頌莫窮朱華山咫尺

端慧皇太子及

悼惠皇子等園寢

埋恨我心同

桃花寺行宮即目

地近青蓮迥絕塵
竭來興會又從新
牕含遠景正無盡
筆點諸峯自有神
綠野潤霑三月雨
綉巖芳鬪一天春

花源不著通溪水那慮漁郎忽問津

望盤山未至

東陵祇謁自東還西望

西陵縹緲間按日郵程猶覺久盤山那敢暫遊山

雨後諸峯致益佳紅鮮綠潤繡屏排飛來逸興輕輿上
何異搜吟阿那齋

詭石危松總出奇真佳曾未住多時別來又早二年度
自問經營竟若為

白澗行宮晚坐

春月出林明春宵澹復清
砌花經雨發簷鳥向人鳴
何必較今昔都堪悅性情
翻書思汲古惟是慙去聲躬行

烟郊

杏村柳墅澹烟光別館虛明向遠岡
悅目豈緣萃景處怡情兼有讀書堂
郊原通望都含潤花草當春自解芳
五日往來何所異麥苗被隴較前長

碧桃花

露井碧桃開滿枝葉蓂華灼特丰姿若非停蹕無端值
一歲春光竟付誰

神木謠

都城東有巨木焉其長六十餘尺卧於地騎者隔
木立弗相見也相傳前明時所置以應甲乙生氣
云作神木謠

天三巽一含精腴深山大澤連林扶壽突靈椿忘榮枯
所樂不存屣棄渠遠辭南海來燕都甲乙青氣鎮權輿

是稱神木衆木殊春明舊蹟久聞予便中一覽城東隅
長六丈餘卧通衢圍乃不可規矩模巋然騎者能蔽諸
四百春秋一瞬夫雨淋日炙風吹敷枝幹剝落摧皮膚
隙孔瞑菌鬱繆紆為想懷材昔奧區凌雲槩日垂扶疎
翩集不脛曰人乎天也將以為貞符試看虛中巨查如
堯年貫月歷劫餘生育盛德隆皇圖

謁元靈宮

穹宇建

先朝廷麻奕禩昭便途登玉級屏息禮雲察桃李春在
苒松槐古寂寥求仙非我事不必問韓簫

永佑廟

永佑于何創

仁皇祝

太任經翻花落晝寺古樹連陰雨足滋忍草春深多語
禽欲尋少年蹟無處覓三心

行園三首

春郊取便命春蒐
弓燥偏欣手更柔
綠野平鋪天鹿錦

好教親試佶閑騮

所御馬名

正諫相如信不誣
習勞亦欲示烝徒
若云今古非殊致
封建井田行得無

小豨大兕曾何必
四兔一麋適可哉

是日親射中者

顧語侍臣

今較劣有人曾見
少年來

舊衙門行宮小憩

別館向陽開收圍
繫玉駉非闕問花
柳率欲憩輿僮春

雨全滋蘚北寒始放梅

是處書室前種梅竹蒼松北方寒向無植梅於地者近始有之

雖成活而開花必在二三月云

小停旋移蹕匪為豫遊來

闕虎騮歎

我之十駿皆權竒其九散惟一已老老者其名闕虎騮
十裏巨擘匹者少齒長休養又多年碩果不食猶英矯
每來南苑必牽視顧我長鳴意如惱承平致力無過獵
何由却出古北道馬乎馬乎尚若斯固宜人中有結草

射兔

兔之大也不踰尺十或五中已稱賢鹿之大也十倍兔
十亦不過五中焉以鹿例兔其的易應無虛發奚猶難
乃知難易在射者的大心大失固然蝨如車輪理若是
禦寇竒語傳精詮僚九秋奕匠石斲皆其見鍼不見天
素位各有應盡事唐虞未臻吾愧旃

佶閑騶歌

驥不稱力稱其德佶閑騶者德力全萬吉騶惟裏闕虎

騶老繼其後者惟斯焉去秋大蒐木蘭鹿箭不虛發倒

應弦今春小試南海子驚麋感斃無勞鞭

凡馬遇獸近身未有不駭

軼者時有麋奔從胯下竄過驅飛馳如故感之而仆迴鞚輒命中

歎玉逐星乃餘事馴

良若此誰比肩儲英惠駿備天御吾更因之厓育賢

新衙門行宮即事

舊新行館東西甸相隔不過十里程一例春風堪駐蹕
更緣明曉便驅旌翻書即有徇今懼對景寧無憶昔情
裕性軒前玉蘭樹故留幾朶向人榮

過盧溝橋

拱極城西度石橋春風客路故相撩謁

陵指日知程近程近吾心越覺遙

汎過桃花漲影退上流猶自易隄防北南下口屢遷就

慙愧終無永逸方

桑乾節近斂洪波沙積川中兀已多大抵有源要求尾

小黃河劇大黃河

黃新莊行宮作

京南首頓臨王畿我

東曰歸心

西悲按程逐日未可驟難度茲三十六時良鄉塔影橫
雲表去年由此南巡道庭樹花開花落自不知依舊弄
影綠牕紗窈窕

麥色

東路麥霑雨心懷京迤西却欣行歷歷更覺綠萋萋沐
露朝猶潤含烟遠若迷傳宣戒馳突本計塵黔黎

半壁店行宮即景

野水春來漲石橋度橋行館據單椒年深樹已翠陰滿
風過花猶紅雨颺得石易教詩泐壁

是處近石塘取石甚易故以石為壁

勅歷年詩其上

納山清作畫懸寮居停率為一宵耳茅土淳風

大愧堯

菜花

綠水彎環似水鄉連塍亦見菜花黃却依閭左勤溝洫
遲轡聊看審不妨

題永慕齋

恨以終身地慕惟隔嶺

天兩年倏已度此夜不成眠有志懷肯構無心工詠牋
繞階暗泉咽寫我淚應然

恭謁

秦陵

孺慕憶從頭西園設

黻收星霜易二紀

冠劍闕千秋肇允勤將就奚能揚

烈猷

東

西隔陵兆

景陵附

孝陵而

泰陵乃卜於

京西蓋從怡賢親王高其倬等相度

皇

考初未親視然在東在西孰非

天意豈人力之所能為哉

天也詎人謀

秋瀾村

傍水有人家村名清且嘉烟霞主東道物象悟南華馬
繫千條柳蜂迷幾樹花每來足餘恨迴眄

鼎湖賒

過拒馬河

源出房山幽谷細成川
拒馬濶泠泠野橋度處悟精義
似讀金人背上銘

望石經山

三車妙諦佛口宣
滿字萬劫留人間
是誰扁鐻彼蒼巖
云待滄桑以後傳
只今可望弗可攀
後之來者想亦然
又誰得視梵帙
全我聞了義
不涉詮詎繫糟粕
尋第筌

更思此或佛說禪用示即言即非言

雨六首

三月十六日

夢迴五鼓問晴陰常侍都稱欲作霖昨日大風安得此
信心未足抵疑心

攬衾反側那能眠漸聽醞醖牕外傳雨果真哉虞尚小
求衣起耳盼春烟

輕輿啟蹕破霏絲嘉霽依旬又及時僕役漫嫌囊索濕
好看萬頃綠苗滋

花村紅是臘脂潤麥隴青多餅餌香春甸飽嘗愁裏過
今春徼倖遇殊常

如玉如珠疎密雨時遲時疾短長亭春霖過午六十里
總在米家畫裏經

良鄉塔影霏霏中雁序公卿製色紅
是日京中王公諸臣來接都有
天工民食責料應喜雨我心同

謁

陵迴蹕詣

暢春園問

皇太后安是日復雨

曉霽登程復密雲輕輿涼度玉絲琴既優既渥既霑足
維鉅維衽維芑糜半月違方慰心戀有秋卜可博

慈欣雖然詎敢志微滿

天眷承惟勵敬勤

雨後御園即景

半月春巡兩度雨御園景物恰堪題所欣在彼不在此

遂及曰東復曰西絲柳輕梳惠風暢綺花潤纈霽光霽
西山新翠滿襟袖又見生雲傍晚低

題張宗蒼山水

畫成漫置未經意人去搜吟每繫思遠之有望近不厭
匪今伊昔忽同時

賦得野含時雨潤

試翰林題五言
六部得和字

山谷興仁氣陰陽鼓太和一犁欣已足十日數上無過

膏益南東畝澤霑高下阿既優還既渥宜麥復宜禾舉

目農桑起因心敬畏多考功精體物五字揭金科

興鋤繼仲月應候先

去聲

清和綠樹鳴鳩裏青郊跋馬過

本因縷祈歲非是詠卷阿入畫惟看米成書定號禾稱
懷淨塵翳散步得陰多更喜春園望新花發故科

山東巡撫奏報得雨詩誌慰

微湖阻去路數郡付波臣吾民嗟非魚昏墊遭苦辛竭

力疏伊河

去事

歸壑得所備洪流為後去聲勢涸壤可耕

耘借穀課力田歲計惟在春嘉種既以佈所賴膏雨頻

朝來擘奏書徹犁幸被均高下
芄良苗芊芊總懷新額
手藉慶慰災餘稍濟屯更因憶豫郊一例庶霑仁

河南巡撫奏報得雨詩以誌慰

昨喜山東雨便因厘河南今朝即接奏五寸已均霑此
邦曩向隅屯膏恩未覃察知乃亟救寧聽巧言詹帑漕
曾不惜賑濟且懷慙治河縱去患終賴麥秋占此雨實
及時慶慰舒眉尖聖狂在罔克益勵畏民岩

即事

剛慶豫齊霑澤足又愁三晉望恩深

時山西巡撫
秦稱望雨

江南

兩度悉風景歷年二月多霑霖今春何幸逢晴霽飼蠶
頗喜宜織紵菜華麥秀颺暄日蔀屋茅簷忘久陰為慶
即慮慶生肆為愁每致愁弗任豫齊江南則且置佇待
三晉聞佳音

三月二十九日漫題

仙萸餘葉詎全落素魄細痕未盡淪了識三春又感客
偏憐一日不饒人

古今和歌集

御製詩二集

御製詩二集卷七十七